

Chi fydd fy nhystion

**Gwasanaeth
Cenhadol**

Carodd Duw y Byd 2014/15

Chi fydd fy nhystion.....

Gwasanaeth ar Thema Cenhadaeth

Bwriad y gwasanaeth hwn yw ein helpu i gofio'r alwad arbennig y mae Iesu wedi'i roi i bawb ohonom i rannu newyddion da yr Efengyl gydag eraill. Byddwn yn treulio amser yn meddwl a gweddio am dystiolaeth pobl Dduw o fewn ein cyfundeb a'r tu hwnt i hynny hefyd.

Byddai'n dda pe bai'r unigolyn/unigolion sy'n arwain y gwasanaeth yn gallu cynnwys straeon ac esiamplau personol ble bo hynny'n berthnasol.

Mae cyflwyniad Powerpoint ar gael ar wefan Dorcas ar y Tudalen Adnoddau/ Carodd Duw y Byd. Hefyd cewch PPT 'Ein Stori ni' yn olrhain hanes 4 o bobl ifanc o'r EBCa aeth i Uganda.

Gellid lawrlwytho ffilm o'n pobl ifanc yn Uganda ar Vimeo, tudalen yr EBC – *nad yw'n barod wrth i'r dogfen hon mynd i'w hargraffu.*

1. Cyflwyniad

Dangoswch fap o'r byd gan ofyn i bobl enwi'r gwledydd y maent wedi ymweld â hwy.

Yna gofynnwch os ydynt wedi sylwi ar unrhyw arwyddion o Gristnogaeth yn y gwledydd dan sylw- eglwysi ayb- neu hyd yn oed a ydynt wedi ymweld ag eglwys yno

Cristnogaeth yw'r grefydd fwyaf yn y byd heddiw, a'r Beibl ydi'r llyfr sydd wedi gwerthu'r mwyaf o gopiau erioed.

Fe wyddwn bod y ffydd Gristnogol wedi cychwyn 2000 o flynyddoedd yn ôl yn Israel gyda grŵp o 12 o ddynion. Onid yw hi'n anhygoel i feddwl fod yr efengyl wedi cyrraedd....(rhowch enw ein tref/pentref yma), a'n bod yma heddiw gan gredu'r un neges â'r disgyblion cyntaf a charu'r un Arglwydd Iesu.

Fe wyddwn hefyd nad yw'r rhan fwyaf o bobl Cymru yn yr eglwys heddiw ac nad oes ganddynt unrhyw ddiddordeb mewn Cristnogaeth.

Yn y gwasanaeth hwn, byddwn yn cofio ac yn gweddio dros bobl yng Nghymru sydd yn ceisio rhannu Newyddion Da yr Efengyl heddiw. Byddwn hefyd yn dysgu sut y mae pobl Dduw yn ceisio rhannu'r Efengyl mewn rhannau eraill o'r byd a gweddio drostynt hwythau hefyd.

Mae Salm 100 yn ein hatgoffa fod gan bobl Dduw led-led y byd cymaint o resymau i'w foli hefyd nid lleiaf gan fod ei gariad yn dragwyddol a'i fod yn ffyddlon i bob cenhadaeth.

Y Gynulleidfa i ddarllen Salm 100 gyda'i gilydd

Emyn o fawl a moliant

Gweddi

2. Rhannu'r Efengyl yng Nghymru

Heddiw, mae gan yr Eglwys Bresbyteraidd 40 o weinidogion llawn amser, 10 o weinidogion rhan amser, 30 o weithwyr, 5 o bobl ifanc ar y Rhaglen Genhadaeth ac... ymgeiswyr ar gyfer yr weinidogaeth.

Mae enwau'r rhai sydd yn gweithio i'r Adran Weinidogaethau a'r rhai sydd ar y Rhaglen Genhadaeth wedi'u rhestru mewn categorïau gwahanol ar ddiwedd y braslun gwasanaeth hwn.

Gweddi

Byddai'n syniad da rhannu'n grwpiau bychain er mwyn gweddio dros y gweithwyr, gan roi categori i bob grŵp weddio drostynt. Os nad yw hyn yn bosib, gellid darllen yr enwau, un categori ar y tro, gan oedi rhwng y categorïau er mwyn rhoi amser am weddi dawel.

Os nad ydych wedi defnyddio'r ffilmiau sydd wedi'u cynhyrchu gan Mari Fflur ar gyfer Adran y Merched pam na wnewch chi wyllo un ohonynt a gweddio?

<https://vimeo.com/93150421> <https://vimeo.com/90866182>
<https://vimeo.com/90866181>

3. I bedwar ban byd - rhannu'r Efengyl dramor

Er mai dim ond un cenhadwr sydd gan EBC yn gweithio dramor, mae sawl eglwys yn cefnogi cenhadaeth mewn gwledydd eraill trwy amrywiaeth o elusennau Cristnogol.

Os oes gan eich cynulleidfa gysylltiadau gydag unigolion dramor, pam na wnewch chi rannu eich newyddion diweddaraf ar yr adeg yma gan ofyn i un neu ddau o bobl i weddio drostynt.

Carys Humphreys: Taiwan

Mae Carys wedi bod yn gweithio gydag Eglwys Bresbyteraidd Taiwan am dros 25 o flynyddoedd. Mewn llythyr diweddar mae Carys yn gofyn i ni weddio dros y gwaith mae'n ei wneud gyda merched bregus. Mae wedi bod yn agor drws ei chartref i gynnig llety i ferched sydd angen cymorth a gorffwys – efallai oherwydd perthynas [gamdriniol](#) neu broblemau teuluol – [ac eraill](#) sy'n dioddef gyda iselder. Mae'n gofyn i ni weddio am ddoethineb a sensitifrwydd wrth iddi [geisio cefnogi'r merched a'u helpu i wella a dod i ben â bywyd bob dydd.](#)

Eglwys Bresbyteraidd Yr India

Mae ein cysylltiadau gydag Eglwys Bresbyteraidd Yr India yn dyddio nol i gychwyn yr eglwys yno gan mai gweinidogion o Gymru oedd ymhlith y cyntaf i fynd â'r Efengyl i daleithiau Gogledd Ddwyrain Yr India bron i 200 mlynedd yn ôl. Heddiw, rydym wedi ein bendithio â chenhadon o Mizoram yn gweinidogaethu ochr yn ochr a ni yma yng Nghymru- John a Mingtei yng Nglyn Ebwy, Sangkhuma a Rini yng Nghaerdydd, a Miara ym Mhenrhys.

Am y deng mlynedd nesaf, bydd Adran y Merched yn cyfrannu at waith Ysbyty Shillong (Ysbyty Gordon Roberts) a bydd llawer ohonoch yn cofio'r apêl ar gyfer Cartref y Plant yn Durtlang ac ar gyfer Grace Home (yr ysbyty HIV/AIDS hospital), hefyd yn Aizawl.

Mae'r ymweliadau gan weinidogion, corau a grwpiau merched yn ein hatgoffa bod gennym frodyr a chwiorydd yng Ngogledd Ddwyrain India sy'n gwerthfawrogi ein gweddïau a'n cymorth wrth iddynt geisio cyrraedd eu cymunedau gyda'r Newyddion Da.

Uganda

Ym mis Gorffennaf 2014, aeth 4 o bobl ifanc o EBC i Kampala yn Uganda. Treuliwyd pythefnos gyda'r prosiect COBAP- prosiect rhyng-eglwysig sydd yn gweithio gyda dioddefwyr HIV/AIDS a'u teuluoedd mewn ardal dlawd iawn yn y brifddinas.

Cewch hyd i PowerPoint ar wefan Dorcas – Tudalen Adnoddau/Carodd Duw y Byd/ Ein Sori ni.

Cofiwch am y ffilm a fydd yn barod ar Vimeo yn fuan . Os oes gennych dechnoleg- gliniadur, projector a seinyddion- gellid lawrlwytho'r ffilm a'i chwarae yn y gwasanaeth.

Gweddi dros Carys, yr Eglwys yn GDD India a COBAP Uganda

Eto os gallwch ffurfio grwpiau bychain i weddio- bydd hyn yn annog eraill i weddio. Fel arall, gofynnwch i rai unigolion ymlaen llaw i fod yn barod i weddio dros y bobl a'r pwyntiau sydd newydd eu codi.

Emyn:

Darlleniadau: Iesu'n galw'r pysgotwyr i'w ddilyn Matthew 4:18-22/Luc 5:1-11

Y Comisiwn Mawr Matthew 28:16-20

Sgwrs

Rhannwch stori am rywun wnaeth eich helpu chi i ddeall yr Efengyl (neu ofyn i rywun yn y gynulleidfa) neu adroddwch y stori hon am ffermwr ifanc yng Ngogledd Carolina yn 1934:

"Ffermwr 24ain oedd Albert McMakin wedi dod i ffydd yng Nghrist. Roedd ganddo gymaint o frwdfrydedd dros yr achos fel iddo lenwi tryc gyda phobl a'u cludo i gyfarfod i glywed am Iesu. Roedd yna fab fferm golygus yr oedd yn awyddus iawn i'w hudo yno, ond roedd y gŵr ifanc hwn yn anodd iawn i'w berswadio- roedd yn treulio llawer o'i amser yn disgyn mewn cariad mewn gwahanol ferched, a doedd Cristnogaeth ddim yn apelio ryw lawer ato. Yn y diwedd, perswadiodd Albert y gŵr ifanc i ddod draw trwy ofyn iddo yrru'r tryc. Wedi iddynt gyrraedd, penderfynodd gwestai Albert i fynd i mewn ac fe gafodd ei wefreiddio a chael meddyliau na ddaeth i'w ran erioed o'r blaen. Aeth yn ei ôl noson ar ôl noson tan iddo benderfynu roi ei fywyd i Iesu Grist. Enw'r gŵr hwn a gyrrwr y tryc oedd Billy Graham. 1934 oedd y flwyddyn. Ers hynny, mae Billy Graham wedi arwain miloedd i ffydd yn Iesu Grist. Does dim modd i bawb ohonom fod fel Billy Graham, ond gallwn oll efelychu Albert McMakin – gallwn oll ddod â'n ffrindiau at Iesu Grist"

O 'Questions of Life' Nicky Gumble, t195-196

Rydym wedi gweddio dros lawer o bobl heddiw sydd wedi ymateb i eiriau Iesu yn Mathew 28. Ein gweinidogion, gweithwyr a'n cenhadon sydd wedi clywed galwad Iesu ar iddynt rannu

stori ei gariad, ei fywyd, ei farwolaeth a'i atgyfodiad gydag eraill. Mae pobl angen clywed mai dim ond Iesu all ddelio gyda'u pechod a'i oblygiadau, a bod Duw wedi creu ffordd o faddeuant a chymod trwy farwolaeth ei unig Fab.

A nid dim ond gwaith y bobl broffesiynol ydi hyn- yr unigolion hynny gaiff eu talu i wneud y gwaith! Mae Iesu'n galw ar bob un ohonom i fod yn barod i sôn wrth eraill amdano.

Clip Ffilm

Os oes adnoddau ar gael gennych, ystyriwch ddangos y ffilm vimeo fer hon sy'n dangos pam ei bod mor bwysig i bawb ohonom dderbyn geiriau Iesu yn y Comisiwn Mawr fel comisiwn bersonol. <https://vimeo.com/9983101>

Yn ei lythyr cyntaf, mae Pedr yn annog ei ddarllenwyr gyda'r geiriau hyn:

"Ond sancteiddiwch Grist yn Arglwydd yn eich calonnau. Byddwch yn barod bob amser i roi ateb i bob un fydd yn ceisio gennych gyfrif am y gobaith sydd ynoch. Ond gwnewch hynny gydag addfwynder a pharchedig ofn.." 1 Pedr 3:15.

Gall fod yn anodd i rannu ein ffydd yng Nghrist a neges yr Efengyl yn agored gydag eraill. Ond mae yna bethau y gallwn eu gwneud i wneud pethau'n haws, yn enwedig gweddïo! Gofynnodd Paul I'r Cristnogion yn Colosse i weddïo drosto wrth iddo deithio o amgylch yn gweddïo, y bydd Duw yn agor drysau iddo i siarad ac yna ei helpu i ddweud y pethau iawn pan ddaw'r cyfleon i'w ran.

"Gweddïwch yr un pryd drosom ninnau hefyd, ar i Dduw agor inni ddrws i'r gair, inni gael traethu dirgelwch Crist, y dirgelwch rwyf yn garcharor er ei fwyn. Gweddïwch am imi ei amlygu, fel y mae'n ddyletswydd arnaf i lefaru" Colossiaid 4:3,4

Gweddï dros ein cymuned leol, dros ein gilydd ac am dystiolaeth yr eglwys leol

Felly, rydym am ddiweddu trwy weddïo dros ein gilydd a thros ein heglwys:

- Y bydd Duw yn barod i'n helpu ni i rannu beth yr ydym yn ei gredu.
- Y bydd yn rhoi cyfle i ni wneud hynny yn yr wythnos sydd i ddod.
- Y bydd yn dangos sut y gall ein heglwys estyn allan at y gymuned gyda'r Newyddion Da
- Y bydd pobl yn ein cymunedau yn barod, ac wedi eu paratoi gan yr Ysbryd Glân, i dderbyn yr Efengyl.

Emyn

Os nad ydych yn cael lluniaeth wedi'r Gwasanaeth arferol, beth am drefnu te/coffi ar gyfer heddiw. Gallwch ofyn i bobl gyfrannu at y te/coffi a rhoi'r arian hwn at gasgliad Cenhadaeth y Merched, a gaiff ei rannu ymhlith y bobl a'r prosiectau a grybwyllir yn y Gwasanaeth hwn.

Enwau gweithwyr EBC

Gweithwyr Eglwysig/Gofalaeth

Hedd ap Emlyn Rhuthun (Cymraeg)
Iestyn ap Hywel Dosbarth Caerfyrddin (C)
Rev Charles Chua, Swansea and Gorseinon (Saesneg)
Rev John Colney, Ebbw Vale (S)
Parch Nesta Davies, Denbigh Pastorate (C)
Rev Janice Jones Pontprennau, Cardiff (S)
Moses Tutesigensi Mid Wales and Borders (S)
Rev Jonathan Hodgins Oswestry Mid Wales and Borders (S)

Myfyrwyr y Rhaglen Genhadol / Ymgeiswyr

Lee Dutfield, Neath (S)
Tim and Sam Hodgins, Pontarddulais (S)
Sion Morris, Tonypandy (C)
Gareth Northam Newport(C)

Caplaniaid

Rev Duncan Ballantyne Barry – Rhoose Airport (S)
Rev Vaughn Rees Pontypridd – University of Glamorgan (S)

Gweithwyr Cymunedol

Tamsin Graves, Ystrad Mynach (C)
Llinos Morris Noddfa, Caernarfon (C)
Mererid Williams Noddfa , Caernarfon (C)
Rebecca and Miara Rialte, Penrhys, Rhondda

GWEITHWYR PLANT A IEUENCTID

Zoe Jones Gogledd Ceredigion(C)
Clare Tranmer Rhuthun (C)

Gwasanaeth Plant a Ieuentid

Gwyn Rhydderch Director

Nia Williams Pwllheli

Meryl Walters Bala

Gwenno Morris Llanuwchllyn

Delyth Williams Bala

Meleri Cray De- Orllewin

Sarah Morris De-Dwyrain

Canolfan Plant a Ieuentid Y Bala

Dr Owain and Sian Edwards

Nicola Lloyd

Angharad Clwyd

Canolfan Trefeca

Mair Jones

Richard Castle

Gwaith Merched

Eirian Roberts Bala

Sarah Morris Cardiff

Swyddogion

Nan Powell Davies Yr Wyddgrug

Hmar Sangkhuma Cardiff